

DNPCK KONTINUA HABELÁR INFORMASAUN BA ESTUDANTE

Dili-atu transforma mentalidade no komportamentu estudante sira-nian iha prevensaun konflitu Ministériu Interior liuhusi Diresaun Nasional Prevensaun Konflitu Komunitária (DNPCK) iha tersa feira (29/05/19) ne'e implementa programa Edukasaun Sivika hodi habelár informasaun kona-ba "Prevensaun no Rezolusaun Konflitu, Papel DNPCK, Perigu Konsumu Drogas, Tráfiku Umanu, Lei Armas Brancas, Étika Morál no Reflesaun Esprituál ", ba estudante Ensinu Báziku Sentrá, Sergio Viera de



Mello,(EBC-sigla português). Diretora DNPCK, Sra. Lidia Lopes de Carvalho iha abertura hateten DNPCK ninia serbisu mak iha área prevensaun no rezolusaun konflitu ho identifika konflitu no problema ne'eb'e akontese iha comunidade no eskola hafain halo aprosimasaun no hamosu estratéjia hodi prevene konflitu. "Ohin ami-nia programa edukasaun sívika ninia targetu ba estudante sira iha eskola ho ninia objetivu atu hasa'e konsénsia no valoriza moris estudante sira-nian, atu prevene konflitu labele mosu iha eskola, alerta antes ba estudante kona-ba prevensaun no rezolusaun konflitu". Esplika Diretora. Diretór Eskola Sergio Viera, Sr. Manuel Pinto konsidera atividade edukasaun sivika nu'udar retiru no aprendizán di'ak ba estudante sira atu haree no hanoin hikas situasaun moris ema ida-idak nian. "Ohin iha ita-nia eskola iha atividade loron ida kona-ba edukasaun sívika hanesan retiru di'ak ba hetan informasaun prevensaun konflitu hodi ita boot sira nia moris hanesan estudante iha eskola, oan iha uma no joven iha comunidade, liu-liu ba estudante mane sira atu prevene fuma, hemu tua, sadik no baku malu. Hanesan oan iha uma ligasaun ho edukasaun sivika iha ligasaun ho sivilizaun umana oinsa ho ita boot sira-nia hahalok, komportamentu oan iha uma no eskola atu obedese Inan Aman no Profesór sira, atu kumpri devér estudante sira-nia ho didiak", fundamenta Diretór Manuel. Diretór eskola haktuir "edukasaun hotu-hotu di'ak, edukasaun iha uma Inan Aman mak hanorin no kontrola, iha eskola profesór no iha comunidade maun no autoridade lokál sira mak orienta atu la'o ba buat diak, individu ne'ebé halo konflitu ne'e individu ne'ebé utiliza sala, liuhusi formasaun edukasaun sivika ne'e fó hanoin mai ita atu labele utiliza sala, ema uza didiak tuir ninia tempu, iha ninia fatin. Tempu iha eskola aplika matenek no siénsia tuir eskola nian, tenke hatudu matenek ho sivilizasaun iha uma no eskola". Edukadór ne'e husu ba estudante atu halo reflesaun di'ak hodi hadi'a hahalok ladiak hasoru mestri, la la'o tuir ina aman ninia edukasaun, hahalok ida ne'ebé bele halo tuir no hahalok ida ne'ebé labele atu halo tuir. Atividade edukasaun sívika kompleta mós reflesaun esprituál ne'ebé nakonu sentidu forte ho lia fuan furak no lia fuan maromak nian hodi hafanu no hamosu sentimentu mata ween estudante sira-nian atu bele refleto no arepende fila fali sira-nia moris, liu-liu hahalok ladiak hasoru inan aman no famailia uma laran, komportamentu ladi'ak hanesan tolok no lia fuan kroat hasoru prefesór iha eskola. Entretantu, programa hanesan programa datoluk implementa iha eskola Sergio Viera de Mello, antes hala'o ona iha suku foun Ailok-Bcora, suku Dare no tuir planu sei hala'o iha suku Bairro Pite *CM*